

## 臺南市北區文元國小 114 學年度臺灣台語情境式演說比賽集訓講義伶比賽題目

### 一、比賽的規則：

競賽員佇上臺進前 30 分鐘，當場抽一張題目紙。上臺的時就所抽著的題目來演說，演說的時間是 2~3 分鐘。演講煞，由評判委員就演說的內容和競賽員對話 2 分鐘，照競賽員回答的內容來評分。

### 二、評分的標準：

(1)整體表現；(2)表達流暢；(3)深具創意；(4)從容自信；(5)生動自然

### 三、比賽的題型：

題目：暗頓

提示：食暗頓進前，阿兄咧寫功課，小妹咧耍迴迴物仔，阿母佇灶跤咧攢暗頓。阿爸轉來到厝，阮就做伙食飯。

說明：1. 演說內容須符合題目。2. 內容不以上述提示為限，所列提示僅供參考，也可以自行發揮。

#### 【第一部分：情境演說】2~3 分鐘

各位評判老師、各位小朋友，逐家好(行禮)，我是編號第○號，我抽著第○號題目，今仔日我欲共逐家講的題目是「暗頓」。

下晡放學了後，我轉去厝裡。阿母叫我先寫功課，等伊共飯煮熟，就會當食晚頓矣。我咧寫功課的時，小妹佇邊仔咧耍迴迴物仔，耍甲真歡喜。過無佹久，我功課寫了，阿母嘛共暗頓攢好勢，哇！實在有夠芳的，予我的喙涎強欲流出來矣。這個時陣，阿爸嘛轉來矣，阮規家伙仔就做伙食飯。我上愛食阿母煎的蔥仔卵，芳芳赤赤是真好食；小妹上愛食滷雞腿，鹹芳仔鹹芳有夠入味。阿爸講伊上愛唸菜頭排骨湯，湯頭有夠讚的。阮那食那開講，分享今仔日日時發生的代誌，有講有笑是真歡喜。路尾，阮共阿母煮的飯菜攞食了了，食甲飽叮噹，阿母看著嘛笑微微。食飯飽，我佻小妹、阿爸做伙整理，我收碗盤，小妹拭桌仔，阿爸鬥洗碗，阿母去處理食膳的潘佻菜汁，阮分工合作，一下仔就共桌仔頂款好勢矣。俗語講：「講食果子拜樹頭，食米飯拜田頭。」咱有好食的三頓通食，就愛感謝阿爸佻阿母，有佻的付出佻辛苦才有咱美滿的生活，你講是無？

我今仔日的演說就到遮結束，多謝逐家。

#### 【第二部分：評審提問】2 分鐘

問題(一)：請你分享一齣阿母(抑是阿爸)的手路菜。

問題(二)：食暗頓的時，你攞和厝裡的人講啥物話題？

問題(三)：你一禮拜佇厝裡食幾擺暗頓？你較愛佇厝裡食暗頓，抑是較愛佇外口食？

### 四、準備的撇步：

(一)先看題目佻提示，佇心內想一个大概的故事。(原因、經過、結果、感想)

(二)會當用「我」來講這個故事，嘛會當用第三人稱，親像：阿明、阿美等來講故事。

- (三)共故事大意寫落來，寫了家己講一遍，看時間有夠無。加練（改）幾遍，表現會較好。
- (四)上臺的時會當提題目紙去臺仔頂看。所以，請你利用現場三十分鐘的準備時間，共稿寫佇你抽著的題目紙頂懸。
- (五)上臺愛報你的號碼、愛講抽著第幾號題目、愛向評審請安問好，講了嘛愛說多謝，注意禮貌。
- (六)情境演說講煞愛留佇臺仔頂，評審欲問你問題。聽著評審問的問題，愛盡量講，講予輪轉。

#### 五、正式比賽題目如下，攞總三條（由選手當場抽一條）：

<p>題目：食中晝</p> <p>提示：中晝時間到矣，逐家準備欲食飯。阿明咧等添飯的時，感覺足無聊，就和邊仔的阿華咧耍。結果，毋細膩共菜桶偃倒，飯菜落甲規塗跤。伊只好去提布鑊仔，共塗跤鑊予清氣。</p> <p>說明：1. 演說內容須符合題目。2. 內容不以上述提示為限，所列提示僅供參考，也可以自行發揮。</p>
<p>題目：學騎鐵馬</p> <p>提示：有一工，阿爸佇公園咧教阿美騎鐵馬。一開始，阿美一直跋倒，有當時閣受傷，哭甲唉爸叫母。阿爸共伊安慰，閣共伊鼓勵，最後，伊總算學會曉騎鐵馬矣。</p> <p>說明：1. 演說內容須符合題目。2. 內容不以上述提示為限，所列提示僅供參考，也可以自行發揮。</p>
<p>題目：大拚掃</p> <p>提示：挂開學，規个學校攞咧大拚掃。阿英佻阿美負責掃塗跤，阿明佻阿華負責拭窗仔。個四个人攞足認真咧做工課，共教室掃甲足清氣，老師呵佬個表現甲足讚的，閣叫同學共個拍嘆仔。</p> <p>說明：1. 演說內容須符合題目。2. 內容不以上述提示為限，所列提示僅供參考，也可以自行發揮。</p>